

Q. D. B. V.
DE

USU BROCARDICI,
NON OMNIS MO-
RIENS EST S. JOHAN-
NES BAPTISTA,

IN
JURAMENTIS LITIS
DECISORIIS,

AMPLISSIMI ICTORUM ORDINIS CONSENSU,
PRÆSIDE

RECTORE ACADEMIÆ MAGNIFICO,
BALTH. TILESIO,

U. J. D ET PROF. ORD. SECUND.

PRO IMPETRANDA IN UTROQUE JURE
LEGENDI FACULTATE

DISSERET,

CARL. THEODOR. LIENEMANN,

U. J. CANDID.

AD DIEM 22. SEPT. AO. M. D. CC. XXIX.
IN AUDITORIO MAXIMO.

REGIONONTI, Typis REUSNERIANIS.

INCLYTÆ REGIOMONTANÆ CIVITATIS
REGIÆ

PATRIBUS CONSCRIPTIS,

VIRIS

MAGNIFICIS, PRÆNOBILISSIMIS, EXCELLENTISSIMIS
ET CONSULTISSIMIS,

CONSULIBUS,

CONSILIARIIS,

ET

SECRETARIIS,

Magnis Patronis & Mæcenatibus suis colendisssime.

Nec non

SCABINATUI AMPLISSIMO,

VIRIS

PRÆNOBILISSIMO, NOBILISSIMIS, AMPLISSIMIS
ET CONSULTISSIMIS,

PRÆSIDI, hujus judicii dignissimo.

SCABINIS, omnium ordinum meritissimis,

ATQUE

SECRETARIIS,

*Patronis, Fautoribus, ac Promotoribus suis singulari
observantia prosequendis,*

Hanc Dissertationem juridicam in ulteriorem sui
commendationem obsequiosissima animi
gratitudine dicat ac sacrat

CARL. THEODOR. LIENEMANN.

§. I.



Brocardicon, quod in jure, commune aliquod axioma notat, ab Episcopo Wormatiensi, Brocardo Italis dicto, qui seculo undecimo vixit, & jus pontificium primus ad generales regulas revocavit, nomen habet *Stryk. in pracogn. Jur. c. 8. §. 14.*

§. II.

Nostrium a recentioribus alias communiter sic exprimitur: *Non omnis meriens est S. Johannes Evangelista.* Sed rectius secundum antiquiores loco Evangelistæ Baptista ponitur, quia α) licet & Johannes Evangelista una quidem cum omnibus reliquis fatis verax sit, imò illos ratio, ne dogmatum sublimium longo post se intervallo relinquant, peculiariter tamen a constantia Baptista, & exinde, quod libere veritatem usque ad finem vitæ propugnarit, clarus est. Quo β) accedit, quod hic tam miraculosa sua natiuitate, quam vitæ genere Christo, qui ipsa veritas est, quam proxime accesserit, unde & nullum inter homines ex conjugali consuetudine natos eo majorem prædicat, *vid. Matth. c. 11. v. 11.*

§. III.

Ufus Brocardici in eo consistit, quod ut id in causis aliis, sic & in juramentis ac illis quidem potissimum litis decisoriiis eo fine allegari soleat, ne pro præstitis, ubi illorum præstationem mors juraturi antevertit, reputentur. Ratio enim ex mente id allegantium hæc est: quod nempe non omnis, qui, dum sub juramento aliquid asserere

A

vult

vult aut debet, moritur, hoc ipso ad instar S. Johannis Baptistæ veridicus ac justus præsumatur.

§. IV.

Sunt juramentorum interim decisiorum litis, seu talium, per quæ directe lis extinguitur, species, quarum adhuc in foris creber usus est, tres imprimis: Scilicet 1) juramentum judiciale, quod pars parti, comprobatione judicis accedente, in judicio desert. 2) Suppletorium, quo judex cum, qui semiplene probavit, ad supplendam intentionis suæ imperfectam probationem adstringit, & 3) Purgatorium, quod illi, qui præsumptionibus ad semiplenam probationem haud sufficientibus gravatus est, imponit.

§. V.

Apparet autem facile, minus recte ad hunc canonem tunc provocari, ubi vel juramentum defuncto nullum adhuc delatum aut impositum, vel ab eo, antequam moreretur, deferenti rursus relatum, aut citra relationem alioquin ab eo plane recusatum, aut si ipsi ab illo, qui rerum suarum administrationem non habet, verbi causa, a prodigo absque consensu curatoris delatum fuit. Nam hisce casibus id pro non præstito haud quicquam ideo, quia & moriens mentiri aut pejerare potuit, sed quoniam id apud defunctum non fuit aut remansit, aut defectus ratione personæ deferentis adfuit, habetur; qui enim juramentum vult deferre, ut, & jus illud deferendi, & liberam res suas administrandi potestatem habeat, necesse est. *L. 17. §. 1. & L. 35. §. 1. π. de jurejurand.*

§. VI.

Atque hinc ex causa quadam in §. antecedente exposita, & non ex sensu axiomatis nostri, mercator ante jura-

juramentum sibi impositum mortuus, nequaquam rationes suas juramento *propter mortem* confirmasse crederetur. *vid. Stryk. in Uf. mod. P. tit. de jurej §. 42.* imo nec quoad *recusatum*, præsumptio talis aliquando necessaria erit, veluti si creditor conqueratur, se eam pecuniæ summam, quæ in apocha sua continetur, haud accepisse, & debitori eo nomine, lapsis a die apochæ triginta diebus, jusjurandum deferat. hic vero, dum illud præstare recusat, moriatur; Etenim post spatium præterlapsorum tot dierum nec vivus ad juramentum amplius cogi potuit, *vid. Sande lib. 1. def. 1. Tit. II.* quia contra legem tunc jusjurandum ipsi delatum fuit *L. 14 §. 3. C. de non num. pec.* & debitor ex literis & lapsu temporis solutionem jam probavit, hinc superfluis probationibus onerandus non erat.

§. VII.

Vere igitur juxta regulam nostram juramentum a defuncto pro non præstito habendum erit, ubi illud ipsi ab eo, qui jus deferendi habet, delatum aut impositum est, nec ante mortem cæterum id retulit, vel præstare renuit, sed acceptavit.

§. VIII.

Sed quod jam secus ac hoc axioma vult, jusjurandum a mortuo, qui vivus id præstare haud recusavit, pro præstito, & quidem ex conscientia illæsa, reputandum sit, ob oculos id ponit, 1) quod alias qui jurare voluit, mortuus in peccato censeri debeat; atqui vero quilibet salutis suæ, maxime in agone mortis, censetur memor esse, *vid. L. ult. C. ad L. Jul. repetund.* Quo 2) accedit: quod, si hoc casu regula nostra fidem morientis in suspensionem adduceret, ob illam æque & jurantis fides vacilla-

4
re deberet, nam nec omnis jurans est S. Johannes Baptista.
Beyer in posit. ad ff. tit. de jurejur. p. 255.

§. IX.

Verum rationem primam initio deplorata multorum, quæ vel sub mortem solet ac potest esse, impietas redarguit. Queniamadmodum tamen nec deinde sequitur; hic curam animæ ac æternæ suæ salutis morti proximus habuit, ergo & in fata absque mendacio & perjurio, quod vivus admisisset, concessit. Potuit enim ut coeterorum, sic & hujus peccati, quod se ad jurandum obtulerit, cum probe nosset, se jurare non posse, veniam ac remissionem obtinere, atque hinc, & citra prolatam veritatem, bene mori.

§. X.

Quoad secundam rationem hæc inter morientem & jurantem diversitas occurrit, juxta quam nimirum ille jusjurandum adhuc nullum, hic vero actualiter illud jam præstitit, ac ita DEum in testem veritatis ac ultorem perjurii diserte invocavit; unde assertio illius tamdiu fidem meretur, donec falsi manifeste non vincitur, in foro enim non ad internam jurantis scientiam sed ad externum actum respectus habetur, vid. *Puffend. Lib. 4. de I. N. & G. c. 2. §. 5.*

§. XI.

Hinc alii effectum demum jurisjurandi actualis morti tunc attribuunt, ubi non solum defunctus juramentum ante illam acceptavit, sed & præterea ad præstationem ejus expresse se obtulit, quo sic responsum Facultatis juridicæ Wittenbergensis. a *Beyero in positionibus ad ff. p. 255.* adductum perspicue pertinet, ibi: *Weil Christian Schlegel*

gel den ihm zuerkannten Eydt abzulegen sich erkläret,
sich auch dazu angegeben, darüber aber verstorben, so ist
solcher Eydt pro prædito zu halten, und demnach Be-
klagter Klägern die angegebene 33. Rthlr. 8. Gr. binnen
Sächsischer Frist zu bezahlen schuldig. *confr. Stryk. ad
Comp. Lauterb. verb. impleto p. 323.*

§. XII.

Ast dabitamus interim num mortuus & quoad
hunc casum, alibi ac specialiter in Prussia pro jurante ha-
bendus sit? Sane dum jus Prutenicum P. 1. Lib. 1. a. 7. p. 150.
etiam tunc, ubi jurandi terminum defunctus præterire non
est passus, ac adeo judici intra illum, ad præstationem
juramenti, se obtulit, jusjurandum credulitatis ab hæredi-
bus illius adhuc exigendum esse, sancit, in sententiam hic
contrariam eundum erit.

§. XIII.

Sunt ergo qui ad mortem juramenti vicem hic su-
stinentem tria requirunt 1) ut defunctus ante eam id acce-
ptaverit, 2) ad præstationem ejus expresse se obtulerit, &
3) alter seu adversarius per dilationes, aliisque modis impe-
dimento fuerit, quo minus id præstari potuerit. *vid. Tho-
mas. in not. ad ff. p. 151. & Ludovic. in doctr. ff. p. 233. §. 24.*

§. XIV.

Verum si & ob hoc tertium requisitum pro jam
prædito, jusjurandum adhuc præstandum, haberi debeat,
ita, ut nullum amplius, ac ne juramentum quidem credu-
litatis ab hæredibus defuncti exigatur, quod tamen, ubi
justas impetrandi dilationem causas adversarius habuit,
asserri nequit, sane in casu culpосæ tergiversationis, eam id
firmitatem non tam ex morte jurare volentis, quam ex

dolo & culpa adversarii obtinebit, quæ huic in specie quoad judiciale tanto magis imputabitur, quoniam id alteri ipse detulit, ac deferendo sic cum eo transegit. Et hinc est, quare, adversario ad citationem juraturi contumaciter emanente, ab hoc juramentum vel adhuc vivo pro præstito habeatur. vid. *Pr. Et. P. 1. Lib. 1. p. 146. §. 3. Carpz. P. 1. C. 12. def. 29.*

§. XV.

Sed annon interim in specie ad juramentum suppletorium vel requisita duo priora ad id, ut per mortem defuncti pro præstito reputetur, jam sufficient? Videtur hoc exinde asserendum, quoniam, ut in judiciali jurans sæpe nihil præbavit & in purgatorio præsumptiones contra se habet; sic is, cui suppletorium impositum fuit, probationem semiplenam pro se jam attulit. Verum cum è contrario hoc, ut judiciale, ex voluntate partis non præstetur, sed perinde ad id a iudice, ut ad purgatorium alioquin, altera parte etiam invita, perveniatur, inde contrarium verius, & similiter ratione hujus hæredibus juramentum credulitatis in locis, ubi ad id admittuntur, adhuc imponendum erit. *Confer. Pr. Et. P. 1. Lib. 1. a. 7. p. 149. & sequ.*

§. XVI.

Casus nunc recensendi sunt, quibus non solum jurandum a defuncto præstandum propter præventionem mortis pro non præstito haberi, sed nec ad supplendum hunc defectum juramentum credulitatis hæredibus illius imponi possit. Est autem primus, quando ille ante sententiam super juramenti præstatione publicatam mortuus est. vid. *Pr. Et. P. 1. Lib. 1. Tit. 40. art. 7.* ibi: Jedoch also und dergestalt, wenn das Urtheil des Endes halben bey Leben des

7

des Parthe gesprochen. Nam hæredes ad juramentum credulitatis de moribus propterea admittuntur, quia prodefuncto, qui per sententiam jurare jussus est, nec juramentum recusavit, aut terminum elabi permisit, præsumptio, quod juste juraturus fuisset, militat; sed hæc, istoc ante sententiam publicatam defuncto evidenter deficit. *Carpz. P. 1. C. 24. Def. 3.*

§. XVII.

Obstat nihilominus quoad juramentum credulitatis suppletorium, quod hoc, licet vel nullum adhuc juramentum defuncto impositum fuerit; attamen ubi de facto illius quæstio est, deferri hæredibus ejus possit. Nam ita filius v. c. si debitum a defuncto contractum repetere velit, & unum saltem testem habeat, qui vidit patrem creditori pecuniam numerasse, ad juramentum credulitatis hoc casu admittitur, vid. *Stryk. in annot. ad compend. Lauterb. p. 325. confer. Carpz. P. 1. C. 23. Def. 8.* Et hæredes coeterum mercatoris, qui rationibus omnibus legitime conscriptis decessit, suppletorium credulitatis juramentum præstare possunt. vid. *Struv. in S. I. C. Exerc. 28. Th. 25. in fin. item Stryk. l. f. mod. P. Tit. de fide instrum. §. II. in fin.*

§. XVIII.

Sed utut hoc quidem in casu juramentum credulitatis in hæredibus praxis admittat, non tamen illa juri ac rationi satis congruit. Nam debet hic jurans locum deficientis unius testis supplere. Atqui vero ut alioquin testis, si de credulitate deponat, in aliena causa fidem non facit, ita actori in propria multo minus credendum, vid. *Stryk. in annot. ad Compend. Lauterb. l. c. confer. l. f. mod. Tit. de jurejur. §. 37.*

§. XIX.

§. XIX.

Secundus casus est, ubi is, a quo juramentum præstandum fuit, id ac quidem absque causa recusavit. *Pr. Pr. loc. supr. all. p. 150. verb. Und sich des Eydes* expresse sine causa in actis oder sonstien nicht geweigert, nam tum perjurii metus, a juramento merito & hæredes arcet. Haud quicquam interim credulitatem suam sub juramento confirmare iis etiam tunc interdictum erit, quando, cui juramentum impositum fuit, post appellationem interpositam, durante illa e vivis excessit. vid. *Pr. Pr. l. c. ibi: Ob er gleich von dem Urtheil, darinnen ihm der Eydt auferlegt worden, appelliret.* Nam per hanc, provocans non necessario se a juramento abhorrere, sed illo saltem præcise opus non esse, aut gravari se eò haud posse, docet. Exemplum cœterum justæ recusationis aliud in §. 6. circa finem occurrit.

§. XX.

Quid vero? si defunctus citra appellationem noluerit jurare, sed conscientiam suam aliis probationibus exonerare intenderit, & in probando defecerit? Nondum & hoc casu recusatio juramenti absque causa erit. Recurrere præterea defunctus, qui reus fuit & innocentiam suam aliter probaturus defecit, ad juramentum adhuc potuerat *Pr. Pr. P. 1. Lib. 1. Tit. 33. §. 3. verb. Da er gleich zu Vertretung seines Gewissens, keine gnugsahne Beweisung geführet, gleichwol der gemeinen Practiquen nach, den Eydt nochmahls schweren kan. Carpz. P. 1. C. 24. Def. 7.* Quidni ergo & hæredibus quoad juramentum credulitatis in jus hoc defuncti succedere permissum erit?

§. XXI.

§. XXI.

Tertius jam casus, ob quem nec hæredes de credulitate jurant, est, quo juraturus terminum, intra quem se ad jurandum offerre vel præstare juramentum debebat, præterlabi passus est, ac hinc diem, post illum plane jam elapsum, obiit. *Pr. Et. P. 1. Lib. 1. Tit. 40. art. 7. verbis: Et aber den Terminum bey seinem Leben nicht verslossen lassen.* Est autem de jure Prutenico & Saxonico, terminus ad se offerendum, octiduum, quoad ipsam vero juramenti præstationem spatium sex septimanarum & trium dierum. Utrumque a tempore lapsi decendii, postquam scilicet sententia, per quam quis jurare jussus est, in rem judicatam transit, computatur. *Pr. Et. P. 1. Lib. 1. Tit. 40. a. 6. Dn. Grube in proc. for. prut. c. 25. §. 35. & 38. Confr. Carpz. P. 1. C. 12. D. 6. & 7.* In Tribunali tamen terminus præstandi juramenti, statim à die publicati decreti currit *Pr. Et. P. 1. Lib. 1. art. 6 pag. 256.*

§. XXII.

Pro casu quarto habendum, quando quis, postquam juramentum quidem accepit, atque ad illud se obtulit, deinceps tamen circa præstationem ejus, termini prorogationem petit, eumque de die in diem, citra justam causam protrahit, ac sub tempus culpæ hujusmodi tergiversationis moritur. Nam præterquam quod hic juramentum credulitatis verba juris Prutenici loco proxime alleg. oder sich sonst nicht gezeigert excludant, obicent illi etiam suspecta facile defuncti conscientia tum ponit.

§. XXIII.

Non tamen hæredes tam a juramento credulitatis excludendi, quam potius ab illo sæpenumero absolvendi, erunt, ubi defunctus juramentum purgationis in causis criminalibus præstare recusavit. Nam prout quoad has, ad

terminum, intra quem juxta §. 21. ad jurandum se offerat, vel juramentum præstet, præcisè adstrictus non est, vid. *Carpz P. 1 C. 12. D. 15.* sic &, quando se juramento in iis purgare renuit poena saltem extraordinaria afficitur, quoniam tum non nisi ex præsumptionibus, quæ alias ad poenam ordinariam non sufficiunt, condemnari potest *Brunnem: in proc. civ. c. 23 n. 36. In Ludovic. in Usf. præct. diff. diff. 12. p. 129.* Quare si hæc relegationis, carceris vel alia similis fuerit, juramentum credulitatis ab hæredibus frustra exigitur, quia poena ejusmodi morte rei prorsus extinguitur. Ac ita multo minus eò, quoad poenam prædictam, opus erit, ubi jurare, intra terminum sibi præfinitum, paratus, ante juramentum decessit, non quidem quod tum ob mortem juramentum purgationis pro præstito habendum sit, sed quod poena illa saltem recusanti irrogetur, ac præterea penitus ac in se morte, vel juramentum præstare renuentis, tollatur.

§. XXIV.

Ubi porro attentionem haud meretur, quod hæredes tamen hoc casu tanquam compurgatores jurare possint, maxime cum juramentum horum tantum de credulitate sit. *Can. 13X. de purgat Canon.* Etenim ut præter adductas rationes non memoremus, juramentum tale de moribus abolitum esse; sane & compurgatio purgationem seu juramentum ipsius rei præsupponit, quale hoc casu in totum cessat. *confr. Oldendorp, ad. for. progyrn cl. 7. p. 1012. Brunnem. in proc. inquis. cap. 9. n. 6.*

§. XXV.

Queritur porro circa judiciale juramentum in specie, num, sicubi id relatatum fuerit, & actor ante præstationem ejus moriatur, idem etiam, quod circa delatum hucusque observavimus, jus obtineat? Et respondetur affirmando,

mando, quoniam quoad hoc punctum par utriusque juramenti ratio est. vid. *Carpz. P. 1. C. 24. D. 6.* & nostrum jus Prutenicum *P. 1. Lib. 1. Tit. 40. art. 7.* generaliter dicit, wie und welchergestalt die **Hydes-Leistung** den Erben zu erkennen sey; non igitur distinguit hoc casu inter juramentum de- ac relatum, hinc & nostrum distinguere non est.

§. XXVI.

Sed numne deferens, quando, postquam juramentum illi relatum est, intentionem suam aliis probationibus defendere intendit & interim vitâ defungitur, pro tali, qui juramentum absque causa recusavit, habendus erit? Ratio id asserendi esset, quod actor in casu juramenti sibi relati ad alias probationes prorsus confugere nequeat. *Pr. Pr. P. 1. L. 1. Tit. 33. §. 4. verb.* Erläge es sich aber zu daß Klägeren von dem Beklagten der Haupt-Endt referiret würde, so soll der Kläger in solchem Fall ganz keine Beweissung zu Vertretung seines Bewissens, oder zu Ergründung seiner Klage führen, sondern den referirten Endt stracks zu leisten schuldig seyn. *Confer. Carpz. P. 1. C. 14. D. 4.* Verum cum deferens juramentum delatum ob novas probationes revocare possit. *L. 11. C. de Reb. cred. Pr. Pr. l. c. §. 3. in fin.* nulla ratio, si rem, seposita speciali juris prutenici dispositione, in se consideremus, etiam obstat, quare illi ipse uti nequeat, quando ad ejus arbitrium probatio reduit. *Tittius ad Compend. Lauterb. abs. 335 p. 219.* maxime cum juramento demum in casu aliarum probationum deficientium locus sit. Unde nec hoc casu vel juramentum absque causa recusatum erit, vel hæredes a juramento credulitatis recte excludentur.

§. XXVII.

Ast num ceterum hæredes deferentis præter jura-

mentum credulitatis principale, ubi ad illud admittendi sunt, juramento insuper malitiæ gravandi erunt? Respondetur negando, quoniam quod vel ipse deferens præter juramentum principale relatum de jure Saxonico, vid. *Carpx. P. 1. C. 14. D. 5.* & prutenico juxta pag. 146. §. 4. P. 1. Lib. 1. etiam de calumnia juret, ultra necessitatem receptum est. Nam qui potest jurare, adversarium sibi aliquid debere, utique hoc ipso satis ostendit, quod juramentum ab illo, eo nomine, quod nihil debeat, malitiose non exegerit. Unde sic ejuratio calumniæ in præstatione juramenti principalis jam continebitur. vid. *Brunnem. in proc. Jur. civ. c. 23. n. 17. Titium ad Compend. Lauterb. obs. 334. Beyer. in post. ad ff. Tit. de jurejur. pag. 263.*

§. XXVIII.

Ut vero tandem a juramento credulitatis mors jurare parati hæredes regulariter immunes non facit: sic in cassum istud, ne eo onerentur, referent, deferitur namque id hodie 1) a Lege seu constitutione & 2) tunc vere deum, ubi defunctus illud haud renuit sed præstationem ejus intra terminum legitimum acceperat. At vero prout juramentum legale referri nequit, ita nec ejusmodi quod defunctus admisit, ac omnem sic referendi facultatem a se circa id abdicavit. Nec enim plus juris hæredes habere possunt quam ipsis a defuncto relictum fuit. vid. *Carpx. P. 1. C. 24. D. 10.*

§. XXIX.

Quodsi tamen ad alias probationes confugiant, & exinde juramentum credulitatis præstare recusent, jure hoc probandi minime exclusi erunt, adeo, ut, si in probationibus defecerint, ad prædictum juramentum adhuc redire possint. Nam cum quod defuncto denegatum, illo similiter & hæredi interdictum sit, sane quicquid e contrario ille facere potuit, ejus non minus & hæres compos erit, quia hic in universum jus quod defunctus habuit, succedit. *L. 59. §.*

§ 2. ff. de Reg. Jur. Carpx. P. 1. Conf. 24. Def. 9.

Nulla



Ulla dies abeat, quin linea ducta superfit,
 Hoc Linemannus juris in arte probat.
 Ferbuit hic ejus studium, post Lipsia fulgens
 Accendit tanto cœpta decora magis,

Perpetuo verax sit ceu Baptista Johannes,
 Candidus aque gradu sic bene dictus erit,
 Nec vera magnaue satis, quam jure meretur,
 Vivus vel moriens laude carere potest.

*His nobilissimo atque Consultissimo suo Can-
 didato gradum dignissime promeritum
 ex animo gratulatur*

Præses.



Quid profunt literæ, si non doctrina sequatur?
 Vel Themidos Leges quid didicisse juvat?
 Evolvisse libros presse noctesque diesque,
 Quid confert? quanam commoda? quæque
 bona?

Nulla equidem, plane fateor, nisi justa facultas
 Informare alios, jusque docere, detur.

Hæc

Hæc TECUM reputans animo, *Juvenis clarissime Virque*
 Extemplo cathedram scandis, & alta petis:
 Muneris atque memor, quoniam est concessa facultas;
 Justitiam dextre TE didicisse, doces.
 Nunc aliis poteris tali prodesse labore
 Nec male conatus, nec sine fruge cader.
 Quare fausta precor, ducant TE fata benigna,
 TE foveat Numen, TE regat ipsa Themis.

Scrib. Lipsiz
 M. Augusto
 C1D1CCXXIX.



*Ita Nobil. atque clare docto Dn. CAROLO
 THEOD. LIENEMANNO, Auditori
 suo quondam perindustrio & dile-
 ctissimo, nunc vero fautori & amico
 assumatissimo, cum pro Candidatura
 rite obtinenda publice dispicaret,
 sincere gratulari volui*

Abraham Kæstner, U. J. D.

CAROLVS THEODORVS LIENEMAN,
 JURIS UTRIVSQUE CANDIDATUS.

per Anagramma :

SCIAS, VERUS ANNORUM QVAESTUS
 HUIC ARIDET, DETUR ILLI DONO.

R.H.S.I.C.

